



**Legia Catholica**

**Robertii, Johannes**

**Leodii, 1633**

50. Reginardus.

---

[urn:nbn:de:hbz:466:1-64596](#)

quod, eâ Epistolâ citatâ subiungit: *Vides, Lector, prima spicula in virulentum draconem, vibrata fuisse à Nobilissima Ecclesia Leodiensi, Catholicæ Fidei tenacissima: in primis verò ab eius Episcopo Durando, nec non ab eiusdem Ecclesiae Scholastico.* Scholasticum intelligit Baronius, nomine Adelinum, qui postea Brixiensis fuit Episcopus. Hic Epistolam ad Berengarium, eodem argumento scripsit: quâ illum hortatur, ut pacem Catholicam ne perturbet, dum Ecclesiae Dogmata euertere conatur. Obiit Durandus anno 1025.

## L. REGINARDVS.

LEodiensem Ecclesiam iste à S. Materno quinquagesimus obtinuit: sed per nefariam si-

C 4 mo-

moniam. Quam tamen simoniam canonice, & Catholicè expiauit. Nam Romanum Pontificem, Christi Vicarium agnoscens, in Urbem profectus est, ut eo criminis solueretur. Ibi ad Ioannis Papæ pedes se abiecit: & interruptâ multis singultibus oratione, culpam falsus est: Pastoralem baculum in S. Petri Altari depositum, & cum eo Episcopatum. Quem tamen tertio post die illi Pontifex restituit.

Leodium reuersus, Ecclesiam S. Laurentij ædificauit, siue renouauit: eamdem prædijs auxit, & Triginta ibi Monachos regulariter viuentes constituit, inquit Anselmus. Sepultus est in eadem Sancti Laurentij Ecclesia Reginardus, anno 1038.

LI.